

思伯子堂詩集

思伯子堂詩集卷三十一

建甯張際亮亨甫

開歲九日薪米不繼輒復成詠

壬寅

閩俗重恆產困廩愁空虛貧家入新歲斗粟猶豫儲而
我困衰疾歸來惟敝廬雖無瓢飲憂那能言晏如晨起
望炊煙飯香出里閭癡兒但竊歎幼孫時牽裾俯仰亦
何道聊復觀我書慨然兵火間田園多榛墟凍餒竟誰
託顧茲已有餘人事未敢料天運良可獻尺水無安流
焉知龍與魚

王孺人繡大士象詩

卷之三
沛中朱芷湘明府元配王孺人十齡繡大士象
施於其邑尼庵旣于歸八月而卒庵亦旋圯明
府廷試後歸道山東偶遇老尼出孺人所繡象
仍歸明府一時以爲異也索爲題詞走筆應之
時壬寅三月明府方宰南豐距前事十餘年矣
天女前因悟散花妙蓮脫手亦恆沙誰知藕斷絲仍續
香界分明現落伽

解脫難忘證玉環荒涼金地碣雲閒韋郎肯負三生約
馬首風沙繡佛還

俸錢十萬好營齋繡線牽情欲滿懷何處針神猶恍惚

山如眉黛隔長淮

和彛生落花詩

回首春光又一年萬花高下趁苔錢
銷除豔色原無相惆悵餘香似有緣
愁裏鶯啼猶戀樹古來玉碎亦成煙
相逢莫唱秋娘曲老去司勳已解禪

姹紫嫣紅繞院栽榮枯何事苦低徊
金鈴歲月常零雨綵樹河山又劫灰
擊鼓宮奴俱老大種桃道士獨歸來
仙人坐對扶桑曉肯信揚塵日幾回

走馬長安看已遲千金曾買鬪春枝
空餘芍藥增離恨難采芙蓉寄遠思
處處夕陽如夢影年年社燕感天涯

言集卷三十一
冰霜亦自凋珠樹翠鳥雙棲未解悲

宛轉風兼御柳斜漢宮唐苑散如霞逝川每惜文章侶
老圃能言富貴家一去春誰追隔歲再來人自悟空華
沾衣微笑靈山上泥絮心情尙有涯

四月初四日過百丈嶺

荒草忽已滿晚山無限情辭花眷風蝶語樹換流鶯壯
歲春俱往清時寇未平徒嗟來去倦何日卜歸耕

不眠

聞道妖氛靖楚天司農仍急度支錢唐兵慣怨哥舒敗
漢史頻書卜式傳四海當時忘富庶八荒何處問英賢

蕭蕭短鬢塵埃下醉看吳鉤夜不眠

東鄉

雙旻峰下路來往有餘懽山木青天合谿崖白晝寒故
人家釀美野老世情寬儻卜林塘勝何須向錦官
中年思少日每戀故交存屈指變親舊回頭盈子孫書
聽鄰讀好花數自栽繁惆悵雲鴻侶何當記爪痕

光澤

回首雲岩外淒然百感存故交多宿草後學各分門歲
月餘城郭河山失酒樽因風語長笛莫咽夕陽昏

遷延

將軍拜

命獨專征吳越遷延久駐兵作氣空勞占虎視

幕下某君以寅

年寅月寅日寅時出師取以虎制犬羊義云

覆軍翻誤聽烏聲山昏天姥風

傳箭江斷曹娥血洗營石馬昭陵煩北望

太宗兄弟總縱橫

幕下頻聞起廢官幾人投謁出長安百年西北貪功易
萬騎東南轉鬪難請餉經時憂少府獻俘何計比呼韓
書生漫笑明中葉俞戚無慙大將壇

百萬金繒賄寇還明州父老痛時艱捷書忽報中朝賀
優詔仍蒙

上賞頒浪跋鯨魚腥壁水

逆夷毀文廟爲宰牲之所

血分鳩烏汚珠

鬢

婦女不從姦者鞭撻波虐之哭聲震天飲以藥酒卽啞矣死復截其下體

舟山鬼泣君知

否無數樓船瘴海閒

檣李東南浦口開蜃樓萬戶雜歌臺忽驚羽檄師全沒

應信蛟門寇未回下瀨上功看畫餅新豐舊族化飛灰

逆夷破乍浦駐防兵受屠戮最慘老婦幼兒則閉屋焚之莫論往日從龍續鳴綠同

源亦可哀

輸將

薄海蒙

天澤輸將政後時半經災祲患或益吏胥欺展餉非無

策籌邊枉有辭安危視民志嗟汝世臣知

南昌舟中偶書

西山待我如故人向曉白雲變滄海心知旌陽棲隱處
炎天中有冰霜在扁舟遠去欲何爲遇雨風狂行故遲
昨夜夢魂向吳越沿江戍火照旌旗

消息

消息傳來異吳淞半敵舟潮頭統伍員雲氣墮蚩尤天
竭殘兵力人貽

聖主憂東南財賦地處處駭橫流

南昌與潤臣飲孟卿少峰園亭口號爲別

廿年談笑據詞場故舊飛騰半老蒼何意不侯惟李廣
可堪無節又陳湯江流東下多新戍山色西來易夕陽
斫地和歌拚醉望天涯回首總茫茫

南昌逢丁暢之兄話感

當年同醉庾公樓明月依然江漢流使節相隨踰五嶺
寇氛暫避繫孤舟重臣進退誰能問諸將遷延古所憂
冰雪歲寒成往事不須回首楚雲秋

戊戌與君同客少
翁幕府君旋隨赴

粵東少翁謫官後君客江西撫
軍署去冬十一月曾相見也

五月二十五日至吳城欲附舟江行不可得二十
八日復折回南昌慨然口號

回首真知行路難不愁白浪轟如山分風誰與相迎拒
飛鷺何當識往還愁裏東湖看未足夢中

北闕望猶艱碧筒拚醉荷花下莫問長江戰壘環

雨次進賢

澤國頻荒歉城隤雨氣中夕雲陰破電野水漲成風乍
喜新苗長毋逢積潦凶兵戈方未息辛苦望農功

宿鍾鄰橋

高岡猶積水低田汪成湖十年九無穫太息頻將輸民
力既坐困客行亦以紆往往見農家漲痕留戶樞几榻
半朽溼蜻蚓喧前除借問誰使然父老惟歎歎陰陽有

愆錯人事繁憂虞命也竟何道敢廢公家租其時瑞洪
溢日浸尺有餘眼前垂熟稻漂蕩如菰蘆焉知造物意
四海非一隅前村送雨聲我馬將安徂簷溜照孤燈身
世空馳驅

曉霽

出門三日雨曉霽興無窮紅溼桃垂露青浮稻轉風山
光平在野湖氣遠行空長願留晴色田家慰歲豐

餘干道中曉行

青山鳥雀噪客行貪曉涼緒風扇新苗浥露紛浮光欣
欣嘉木秀潏潏流泉長山村夜雨多菜花開過墻田父

正蚤作叱犢行東岡何當扣角歌惜此征塗茫

過樂平

九載重過古渡閒水光無恙照衰顏尚書寂寞青山冷

惆悵春風末座還

汪異泉尚書己丑座師嘗一晉謁期許優厚今師歸道山有年矣

童灣

屬鄱陽

不知空翠好但覺晝全陰石氣清成澗山光靜滿林

餘看去特坐久換鳴禽閒話蘇家績

往歲在京師與鄱陽蘇軍門公子賓

嶠吏部往還甚洽自壬辰別後君兄弟相繼徂逝偶詢土人爲之慨然

因傷伐木心

浮梁

浮梁山水鄉中有

御器廠陶戶數百家十萬民所養搏土成方圓厝火規
下上質文應風會變通著形象藝嫻道亦存儲食寬俯
仰富人儲米粟易薪舟以往出入操奇贏草木無遺壤
樵斧足自給估舶因茲廣君看帆波濤賈販輕泱泱千
金等柴窯雨過結雲想

國家全盛際貴賤各安享孰言偏鄙區庶富儼熙穰如
何兩載交父老困拾橡海氛暗江關南紀紛擾攘未央
瓦不收大觀袖誰倣遂令此鄉邑游手習暴長飢來丐
村落面目如夢罔縣官糾撫循相臣篤籌帑輸邊叩何
門里胥亦鞅掌回知萬物氣消息自摩盪我來訪從兄

白髮懽倚杖翻殷身世憂撫劒增慨慷

余坑旅舍題壁

屬祁門

震雷仍不函空切望雲心天意嗟難測農家慮轉深荒
年誰餽粟苦戰又求金寂寞荒村裏因看縣宰臨

祁門

小邑生山態荒煙引步頭地盤歛州迴水入蠡湖秋田
少艱民食時平切旅憂道旁偶停憩偏聽話夷酋

天門

我從漁亭來白嶽面嶄峭行經桃花澗驟喜發孤笑立
石高據天一豁涵眾妙巉岩竟誰闢空影儼自照倒裂

垂雲根側送長風竅崩崖正上懸曦日不中耀是時際
六月颯如臨海嶠直疑帝座通駭絕敢驚叫碧漢浩憑
臨蒼松矯吟嘯山靈閉鎖鑰兩君藏奧窔攬勝貪往轍
耽奇戀四眺固知與歸宗邢尹應相用乾隆間朱竹君
學士游吾鄉建
州歸宗岩題句謂歸宗石
門有似白嶽今觀之信矣嗟余困奔走游跡等攻剽安
能此象龍下有雲
龍潭閭闔尾頻掉

兩君洞

蒼崖何盤盤快馬強受控奔騰赴紫霄百折始一縱削
懸海鯨額倒挂醯雞甕蒼涼勢不盡下墜翻上紅秀色
見高深遠近爭羅貢晝聚石氣陰夏凜泉脈凍跳珠不

成簾點滴散乳湮鑱名徧絕壁幾人侈飛鞚千年松桂
風惟餘啼鳥哢我來正寂坐萬籟自迎送蕭蕭雲過影
杳杳天入夢翠蘿掩行迹空悲逝者眾道士亦已愚蔽
翳安檟棟刻畫神鬼軀土偶亦交鬪名山如偉人往往
有沈痛何當決蓮池手洗瑤華弄

外
兩君巖見前明戚少保題名口號寄少穆先生塞

烽塵擾擾更何依千里閒游且息機白嶽石華盤踞立
黃山雲氣出天飛孤筇儻踐重來約絕壁因懷百戰威
雪嶺西行休悵望半生出處未全非

玉屏峰下道院

世宗侈禱祀青詞進朝班可憐夏桂洲何似嚴鈴山徒
興木土妖以媚神鬼頑安知國祚替沉費民力艱茲山
昔布金福地開婀娜玉函照天闕銀榜輝雲關遂令愚
婦孺奔走如夷蠻滄桑迅俯仰巖壑餘幽閒君看香爐
峰一握浮煙鬟蒼崖隱疊巘翠靄明彎環因嗟洞府虛
不見鸞鶴還卻尋栖霞外洞名駭出飛雨泉名開駱駝峯名對
紫霄欲往安可攀坐涼復歎息

御碑叢榛菅恍惚獻陵上手捫苔蘚斑獻陵碑夏貴溪手題爲臣
信不易悵望櫻龍顏獨有鼎湖仙弓劍淒人寰

登獨聳峰

三姑何嬋娟五老何磊砢豈如獨聳青互天高峨峨迴
盤歷千磴鼓勇未肯情下望削巖崖上疊疑城堞鑿空
勞攀援懸梯怯孌娜不知絕壁松倒捲風濤墮身輕颯
鳥飛四顧凜孤坐白嶽勢爭奇到此險一鎖化工巧位
置洞壑失碎瑣低昂積氣中大地從掀簸荒庵背嶽岑
徑折如轉柁深嵌小閣幽遠眺重山夥歙州千萬峰峰
峰青向我偶見新安溪橫流愴江左逝湍古不復羣峭
今猶墮自非王方平誰與歎塵堞寺僧淪淵泉渴飲勝
沃火崎嶇觸熱至談笑足應跋出門指黃海安能借輕

舸烽煙暗東南音行何處可

望五老峰

望湖亭下望匡廬五老依然旅鬢疏豈意天涯如伴客

卻看山色渺愁余兵過蠡澤難飛雁頻年調兵多由九江行走人去

鱸鄉漫憶魚

頃上海寶山失守松江居人大半流散

欲餌茯苓閒此地不

須白石覓藏書

李公擇白石庵在廬山五老峰下卽其藏書處也

飲桃花洞天

丹臺何處尋仙客老鶴空山頭總白一杯中有萬年春

悵望人閒餘歎惜不知松檜誰手植下倚高崖颯千尺

蒼藤翠澗互迴盤莽莽蕭蕭古行迹道人爲我話廢興

豈信飛昇常拔宅金函玉檢亦奚有禁苑齋宮久非昔
未應垢穢混塵埃祇合東薪閒煮石煙鬟到眼卽峨眉
西笑無心問瓊液是日驕陽亭午爍把酒向天飲空碧
天都雲氣忽飛來黃海蓮花青可摘先生興酣且狂嘯
了悟秦漢等朝夕君不見瑤池阿母蟠桃稀歲星老矣
今安適

雙嶺御泉寺

明祖師行日靈泉出渺茫風雲勞戰士天地應眞王世
遠曇花寂山深夏木蒼崎嶇難解渴一勺有滄桑

望黃山

宜歛蘊名區奇秀茲山最削成萬巖崖勢壓青天外迴
盤結地絡江南俯如帶日月際中峰人閒一蒼靄我疑
挾崑崙誰更矜嵩泰想見猿嘯空溪谷合風籟目隨絕
境變意與羣靈會飄飄夢上真雲旗導征蓋

由慈光寺登文殊院

晨發唱荒塗且憩茅蓬庵誰憐湯泉外久閟澄碧潭迴
溪蕩幽樹孤亭益晴嵐曉色眩朱砂神秀恍可採安知
天都峻障天標巉巉鼓勇進如惑乘危退轉慙百險有
一試眾苦無微甘崖谷錯螺旋鳥挂仍魚潛悽然千古
意絕跡何人參雲端跨飛梁蕭蕭風勢嚴萬馬蹴山川

奮囓誰能銜捫梯俯積氣蒼茫江海南白日晝忽青低
昂在重岳前奇限往逐後奧飽窮饑巖壁正削裂厂洞
皆陰嵌如何割脊鱗空光付扁鈴雲巢洞一線天之
閒尤幽峭譎異石
筍峭下簇怪松蟠其尖鬼斧不敢斲曠劫餘櫛櫨砢砢
竅窳閒力竭境總貪嗟非超世士耽俗能毋酣猿跳訝
瘦僧引臂相扶攙指畫諸幻相坐笑應以領煙火出太
虛穹窿低蓋龕回首唾大地秋毫渺岷巖

文殊臺

山高風滿天萬石從何來想當太始日葉葉蓮花開天
帝昔所宅玉宇連瓊臺世遠遺迹盡洞掩千年昔我佛

悟幻相晏坐忘崔巍茫茫雲海內目渺東蓬萊秋色半
江南中有孤猿哀猿頭亦已白不見青獅回奇峰四面
出起伏銀濤堆龍蛇化蒼松裂壁蟠根莖豈知不朽氣
乃在盤錯材崖頭亦日落照水如流杯烽火暗金焦樓
船安在哉夜宿荒庵寂起舞瞻三台真人既滅度鬼嘯
成陰雷倚劒坐歎息還復傾我醅縹緲南陵溪吾行將
溯洄誰憐黃與鄭

吾鄉鄭少谷黃石齋二先生皆嘗來游有詩

忠魂化寒灰

由蓮花峰下百步雲梯出金鼇洞過西海門至獅

子林作

萬仞晴霄上誰探古洞幽峰盤天削出雲湧海飛流神

虎苔時臥仙猿果白收不須尋太華玉井已知秋
絕壁高無地層梯下有天陰晴千里變生死一心懸引
臂凌飛鳥回頭駭積煙昨宵巖際宿清夢已游仙
危磴仍沙磧傾崖復厂岵天光爭一綫山骨劃孤函徑
絕雲誰度泉懸壁自銜飛行出龍首高坐俯青巉
羣峭茫無際人如一粟孤直疑星盡隕不信海先枯石
氣諸天滿雲根太古癯百家託黃帝丹鼎幾模糊
樵路緣山崦名泉聽草庵松蟠千仞峭石鬪萬靈酣積
氣風成海幽光日變嵐登峰今始信奇絕冠東南

出獅子林下丞相源有石峰山志名曰仙人指路

我愛黃山鳥其音如箏絲夜樂

峰名在羅浮

與水樂

洞名在

獨聽還相思閩粵半哀笳嗟汝天風吹

休甯道中

新安溪各清條歲水空行山鳥喚人覺

俗起常晏

野猿號夕

驚

山村雜種苞蘆常為猿所竊食

征人艱澹饜

客必自炊乃得食

少婦雜樵耕

來去觀風物因忘倦旅情

再宿余坑

立秋前二日

十日空來往溪山笑此行鴉孤留夕照蟬老變秋聲農

圃難歸隱村墟共壓兵

是日塗遇調祁門兵赴采石者

一杯聊復醉宛

有故人情

雜感

余旣折回浮梁西鄉山中從兄宅候將八月緣
江路阻兵僮僕又遘疾遂以滯留感傷時事輒
復成詠其存沒友朋有與於此際之感者連類
及之凡得廿四首後之覽者可略推其身世已

壬寅七月
二十二日

辭家兩逾月望遠又驚秋兵火紛傳信鄉書不寄愁新
蛩疏更急孤燕去還留萬物知蕭瑟誰堪賦倦游
積雨沿村漲新晴刈稻忙日沈山紫翠稼納穀青黃爨
理資臺省征輸賴井鄉迢迢天外雁何處覓秋糧

天運兼人事蒼茫愴此心夢歸神恍惚臥病僕呻吟風
氣淒朝爽溪光動夕陰莫漂涼雨急四野有鷄音
夜半青天月流光萬里情空悲滄海暗不照絳河明烏
鵲飛難定蟾蜍蝕易驚終宵聽鼓角淒絕夾江營
大江東到海控扼重南徐番舶爭飛渡嚴城一戰墟軍
心驚唳鶴民命化枯魚天塹分南北從教斷漕渠
有客述眞州聞言始欲愁千艘銅鼓鑄百里火飛流粉
黛情何慘牲牢禮可羞金陵龍虎地漫使歎無鳩
采石防何益新亭接寇船奇兵宜斷後勁敵莫爭先孰
搗揚公穴徒投兀朮鞭坐思韓與岳一爲掃狼煙

自去扶桑外音書寄總稀萬家同性命百戰在恩威天

意存荒島人心戀衮衣夢中片明月還向海東飛

六月十二

夜夢石甫三丈喜而賦詩但記起二句云滄海長江莽空闊夢裏飛來片明月餘不能憶矣

薄海同嗟歎斯人竟出關六軍三戰北萬里幾時還迹

豈爭功罪心猶抱痛癢淒涼東澈意空惜中興艱

豪宕山陽叟今餘宿草青江濤飛戰艦淮甸逼妖星死

去差無見悲來宛有靈千秋忠愛意回首付沈冥

悵望徐君墓徒深挂劒哀櫻鱗誰護惜鍛羽又遲回宇

宙嗟何往朝廷失此才紛紛擁旌節有恨在泉臺

廉峰詩

墓在歙縣昨道黃山竟不能一展謁

吳越多交舊存亡半未聞家難商去住書定付藏焚戰

壘銷游舫摩崖陷陳雲宮亭雙鯉在萬一寄殷勤姚野橋之

家在鎮海毛生甫之家在寶山杜尺莊丈之家在山陰

今或陷於寇或逼於兵而丹徒則龔本民權縣令儀真

則陳登之權同知被寇後未知何如憶癸巳秋尺莊丈

招游鑑湖勒名於遠門山甲午冬訪石甫三丈於儀真

庚子冬遇本民於丹徒其官署皆余所舊游也。生甫

於去年卒其遺稿未知能不歸焚掠否念之尤悵然

臨岐曾有淚入夢豈無由顧我連遭數惟君寤寐憂封

雲移嶽色樓艣蔽江流搖落芙蓉思西風水又秋去年七月

移別芭川後入夢數十度矣昨復夢同游高蓋山夢中

嘗有詩不能記也憶出門時作書與君言往山東豈知

今猶滯此此開去九江不遠時方

設防兵亦不能往故五六云云

復有應徐侶頻年惜我衰章江新醉別洱海遠行期有

恨看災祲無才濟困危幸依嚴節度投老賦巴夔年來

葉崑臣廉訪兩資之去冬與廉訪及令弟潤臣會人於南昌今夏南昌再別潤臣則廉訪入都陸見

南官署矣

自得閩南信相思恨轉多病愁同歲月戰伐又關河事

急惟謀食心危且放歌山梁歎雌雉高舉欲如何四月

子瑩一書時君方在福州圖館穀也

往在幽燕市交游意氣豪空花高下散社日去來勞相

府新麟角詩家冷馬曹憂時應有淚相憶一蕭騷慶

部阿文成公會孫斌秋士同年時官兵部

淮海英靈在春秋國族雄異才看孔魯高詠颯雲風河

決中原困兵交內帑空和歌誰擊筑目斷廣陵東

曲阜

兩北邵家於淮上新改官南河司馬
東安魯蘭岑孝廉近三年無消息

粵山盤五嶺滇海隔中原薄宦羈京國哀歌望故園復

聞征戍苦應愴死生冤愁絕陳湯獄同朝不復論

高要蘇賡

堂侍御與余極言少穆先生在粵之賢而比明戴
雲帆比部和余詩尤悲慨感激皆庚子夏秋事也

崛起湖南北同時幾霸才飛騰高意氣離別久低徊江

海新夷艣山川古將臺悲歌休縱目擾擾一塵埃

王子壽明

經湯海秋農部皆別五年
矣王時在荊州湯在都下

一代桐城筆

謂姚惜翁

吳郎尙典型哀時空獻策宦學且窮

經澤國烽皆警秋禾雨又零四愁誰與和爲汝折芳馨

聞子序太史上書言兵事又請於揚威將軍欲
歸江西募練兵勇雖不果奏而其志可哀已

建言何有罪當國儻無人謗議騰千口憂危萃一身深
知叨

聖主久宦戀衰親此日麻衣淚歸來痛海濱

樹齋少寇
已丁外艱

良友凋零半餘生感激中名高應避累詩好豈緣工四

海方多難千秋不獨雄京朝兼故國蕭颯望天風

誰傳寬大詔薄海免輸邊氛祲何妨日憂勤定格天時

平兵自情寇狡計誰先楚豫災傷後欣聞已有年

梁鴻五噫歎杜甫八哀心事往知家國憂來見古今秋

紅孤韓阻山木一村深何限傷離索看雲感故岑

憶太姥山舊游

昔登太姥巔空碧見東海安期不可逢縹緲三山在余
時下危磴揮手來長風七星墮北斗高挂懸崖中重岩
竊以複滴水斷還續秋思滿瀟湘攬之不盈掬金骨占
仙墳瀾花明羅裙萬里一倒景飄然生片雲雲邊鳥影
絕千嶂乍明滅潮平島嶼青暮天杳煙雪長嘯度飛梁
洞壑何蒼蒼誰憐片瓦在坐對思滄桑還塗願九鯉鱗
曄騰空起高呼石應聲笑臥霞峯紫暝倚摩霄松翠靄
紛重重夜燈照萬籟獨醉聞疏鐘自從竄甬上兵燹今
何向經年憶容城丹臺浩清曠人言李鄴侯少喜衡嶽

唐伯玉詩集卷三十一
游青萍不得試余亦淩滄洲

偶書

空山起秋色渺然斜照黃不知何處心但覺中茫茫夕
鳥不外飛繞樹鳴且翔蕭條隱風氣木葉颯已涼回首
見孤村黯澹低天光行子亦何爲荷擔憩路旁古來懷
慨士寂寞使我傷獨有王無功避世甘醉鄉

王文恪公輓詞

少年豪嗜酒中歲冷爲官忽起先朝貴時聞鹿士寒中
樞同輩盡一死後人看竟闕平生面臨風感百端

逢源塢作

惆悵江山水留人滯一方兵氛橫海滿旅思入秋長
賽社仍村鼓觀星自夜觴腰閒雙寶劍拂拭有新霜

鄱陽作

三宿緣何事朝昏屢變秋荒城沈水氣斜日逼鄉愁
歲月懷朋舊江山縱寇仇番君英爽在憑弔淚空流

鄱陽至建德道中作

七月風雨多湖水揚洪波遂令千里閒滿目傷嘉禾
我車失安輶越徑循坡陀終朝筋骨痛至夜頻摩挲
人間九苞鳳欲集無安柯竹實飽燕雀槍榆渙虞羅
秋色正西來櫓槍照橫戈肅殺金精氣淒涼鐃吹歌
羣公惜民

命厚幣甘求和欲陳闕下書雙殞將如何奔走歎梗道
艱難出池番永念南州士終焉賦槃阿

崇明接江陰瓜洲對京口金焦扼中流形勢相左右韓
王昔駐兵兀朮終北走如何黃天蕩此口容羣醜鍾山
表龍虎實瞰巖城後棄之資敵人咄哉嗟彼婦辱國任
酋奴要盟恥我后年年六百萬何以供求取秋風扇江
南嗚咽怒潮吼上方誰請劒下民自疾首

列聖昔乘乾英毅握綱紐功罪信賞罰將帥凜戰守吾
皇至仁舜爾輩忘高厚青燐鬼夜泣吳越竟何有飢驅
杜陵翁稷契志已負哀歌望

北闕轉徙傍南斗

冉冉中秋至素月揚清輝夜宿聞荒雞起舞露未晞大
化亦茫茫今古皆同歸山深毒蛇裘水急游魚稀吾慕
諸葛君躬耕鋤自揮如何鑑明鏡歎此青鬢非

秋氣積日夜客心盈朝昏曉起悵層陰欲挾雲無根嗟
哉噉日晦不見金鴉翻冥冥去鴻盡依依噉雁繁江介
魚稻鄉半閉朝炊門乞食欲何向四望天耿村涼雨自
西來淒音颯已喧浩想聽鈞樂安知銷旅魂

短鬢不盈梳羈魂畏入夢半生家國心醉後有餘痛雨
師不閑余作勢益豪縱沾濡徧衾枕衣履溼欲凍終宵

向竈火古屋如煙洞側顧雞棲旁村酒宛在甕斟酌意
氣生浩然不可控慨此窮居民積潦勤賦貢紡織共一
燈機杼雞聲送貴人正晏眠臥聽風鈴鳳萬族情豈殊
四海勢已取瀟瀟簷溜中悵望天垂霧

東方送朝霽入夕喜可知一年月在秋況乃三五期我
僕戒晨發泥淖草輪欹時見羅雞豚兒女拜古祠此鄉
風俗樸未解然燈嬉吳越昔紛華千星照琉璃香塵游
履合畫舫歌聲隨百粵與七閩豪侈不視茲今來牛烽
火家室嗟流離不如荒村叟夜飲燒松枝骨肉有談笑
鄰里無猜疑余行亦何事對之使心悲

圓輝出滄海中涵河與山不知廣寒宮歌舞何時開吳
剛頭已白玉斧煙亦斑獨有仙桂根流影徧人開天風
昨夜至香遠若可攀欲采寄所思服食媚容顏君子樂
壽康小人無痼瘕此意復誰知淒然塗路艱

連山何鬱鬱百里多蒼松下有千歲苓采者誰能逢我
欲招老鶴因之撫虬龍韻以綠綺琴飢以紫蒲茸一彈
再舞閒縹緲餘青峰散髮石上月放歌林下鐘仙駕或
乘雲竊然千萬重徒憐五大夫乃受秦世封

山石日潄礪車輪何傾摧小邑瀕荒溪照影嗟重來市
人正賽神簫鼓喧歌臺彩幡颯颯飏百戲綳嬰孩遠近

趨若狂安知霖潦災兵馬駐蕪湖大臣方徘徊狡寇實
無厭爾民亦可哀岐路重歎息滔滔秋漲迴

十六夜自建德登舟出東流沿江而下次早至安
慶口號

何處無好月吾身皆虛舟飄然倚短棹颯爽凌滄洲魚
龍伏不驚鴻雁去且留夜天浩一碧蕩蕩空光浮帆轉
水亦動金波碎迴流極遠見微煙皖公山已秋淮南多
桂樹偕隱嗟奚由北斗望正中白露皓盈頭未知江海
夢誰免烽火憂寶劒醉自拭明珠難竟投終宵待日出
慨想咸池悠曉色倏蒼茫塔影標城樓飛檣赴晴霞皎

鏡猶未收且尋余闕墓揮手辭風鷗

十七夜自安慶北門外登舟將往桐城夜半風浪驟作次早至石塘湖舍舟而陸午徑大龍山中夕至練潭慨然有述

積潦斷征塗乘舟豈得已迴流本江漲浩蕩餘百里低田盡成湖高禾猶漾尾白楊露枝柯其下墳冢毀北風縱陽至蕭條泣故鬼星月慘不高但見長波起孤蓬極掀簸繫纜就蘆葦驚定詫人聲有屋欹入水困眠破艇中借問茲誰使答言六七月巨浸遂至此一門十數口大半病且徙觸我舟子悲亦歎餓欲死百結無完藕夜

涼露棲止聞之爲太息轉覺吾慙爾朝食雖典衣布衾
未裂裹飢驅苦雨風敢較窮通理曉來浪更急晴色聊
可喜日氣蒸湖光燦爛錯文綺目窮遠際天空青孰磨
洗依依眾鳥散冥冥片帆駛悽然栗寸心整車棄中沚
山勢矯龍蟠鱗甲穹岩倚坡陀盡石骨登頓折屐齒峭
寂稀行蹤谿蟲咽涯涘地籟喧稻陰天香流桂藥瓜棚
綴花黃榴實照門紫棲遲羨農家饁餉對婦子種植豈
不勞食力羞免恥我懷鬱以紆正如崖磈礧又如歷渡
頭重疊阻去軌篙工一何惡索載睨而視謂邁兵與荒
萬事烏知彼側聽倍旁皇疾過且掩耳夕陽照東峰倒

影落潭底郵亭水氣昏何處望鄉里揮觴憐素娥瘦損
前宵始

十八夜宿練潭雨驟作次日竟日不止二十日午
微霽始行是夜宿新安渡口號十首

簷溜聲何急中宵起望天潭雲四山合市火一星懸江
漲憂夷艣禾傷閔野田安能掃昏暝惆悵撫龍泉
驛路成溝澮渾渾走濁流僕夫閒計日獨客倍知秋蜉
蝥喧河渚烏鴉繞戍樓山川足蕭瑟何處好歸休
慘澹龍山色微光偶映天孤村沈積水遠樹著低煙泥
滑愁逢馬車鳴似噪蟬練潭回首望飛雨又茫然

誰借長虹影憑將雨腳分兵交難辟地少賤敢忘君病
驥思途遠飢禽擇木殷淒涼感天意前路放斜曛

野徑人家少微晴出霧中溼花如笑露高柳各含風物
態爭朝夕詩心出困窮一僮憐慣病猶戀杜陵翁

西照雲中出流金爛四旁山如銜匹練天亦放毫光鴉
背風微閃秋聲日以長揮戈慙壯士老至亦旁皇

長風起西北萬樹葉皆飛千里江南戍樓船幾落暉塞
鴻今不度海燕汝何歸空外音淒絕誰家正擣衣

古渡流仍急征車晚暫停不須驚草露乍喜見秋星雲
歛宵逾白天高月亦青百蟲暮幽咽處處是離亭

盛夏先移棹涼秋始渡江
高樓明月色不照影成雙
梧葉淒金井蘭膏冷玉缸
莫勞挑錦字連雨悵西窗
羽檄交馳日東南慣往來
詩從徵信史世亦練吾才
衣白從軍少還丹待藥衰
拚將千載恨長路付深杯

江龍門同年夜游采石圖

大江千里照三山天際峨眉采石亭子見一彎
烽火卽今方備敵英雄從古半投閒
碧雲未免傷遲暮明月曾經擁
瓊環惆悵六朝金粉地幾家兒女幸生還

龍門樛福圖

悲歌本自如燕趙好色何妨附國風
閒倚青萍驚歲月

故應紅拂識英雄信陵飲酒心猶壯安石游山興頗同
十二金釵千劍士一時誰唱大江東

龍門頭由浙江軍營歸譜此詞甚佳

留華嚴寺二宿口號

誰將萬松竹蕭瑟繞風廊石得秋爲氣湖兼天倒光百
蟲喧露夕一鳥趁齋香空色原無相隨時證坐忘

無可大師墓

濁世佳公子遺人老導師節高侯冒上生殉度端時家
國餘僧塔河山失黨碑江天更烽火瞻謁有深悲

一綫天

巔林千尺藏高甕鬼斧中劖作潭洞一綫青霄勢曲盤

萬年白雨聲豪縱不知何人縮冥漲倒捲波濤瀉崖空
風氣蕭蕭霽亦煙岩頭鬱鬱雲長夢幽陰不散太古寒
絕壁翻驚飛霞凍擊以礪石宮角殊投之礪火苔蘚痛
淵淵乍恣雷鼓酣餘響四馳不可控正恐蛟龍下昂首
鱗甲翩騰矯上狂我時寂坐仰睇天隱約晴霞誰與弄
造物真嗤巧匠斲山神欲挾羣靈闕平生足跡半東南
無此竄窾豁容眾

羅浮雁宕匡廬黃山太姥皆有
一綫天皆不如此洞之深廣

悶置

深憐磊砢林涵宏頗悟英雄用攀蘿縱使絕行跡仙駕
應來跨鸞鳳秋燈破寺夜索詩罔兩出窺如走送

由紫霞關至首楞巖

如何天際月半墜此山阿徑隱雲根峭泉懸石氣多游

仙原大夢

其頂傳爲仙人牀余欲登焉龍門述尊甫之誠固止之

置弄與狂歌

巖中鑿石盤可弈

江水盡雄塹傳烽且暮過

登浮山絕頂

丹崖翠壁自紆迴高望誰知遠勢開一柱天光盤嶽立

胡潛山九柱峯

九華風色過江來懸巖穴孕爭飛瀑古洞陰幡

不死苔拳石中央波四面直疑左股割蓬萊

枕流巖

九帶幡三曲何如徑枕流天橫雲卻月山破石含秋餘

勢龍猶怒

石龍在其旁

筌蹄象可收

山志云浩笑廊有石柱如象蹄

風花方

半落吾醉欲宵游

前明建安甯經讀書岩側石洞中今曰雷公洞天風醉花鳥雷句也今刻

此岩壁鍾伯敬嘗秉燭讀之

徑遶雲梯至壁立巖憩桃花澗亭子遂觀總巖

湮淪蕩朝日渺然生微煙不知山阿人何處烹寒泉雲
峽既窈窕石磴仍盤旋峭壁自上千古洞紛下懸舉踵
納以寸後趾加前肩猿引正接臂鷺立交擎拳颯沓陰
風淒樹杪低見天秋隨片葉墜澗與重崖連杳杳太古
蹤蕭蕭靈籟宣依依青鳥至慨想瑤池年代往世何避
東海頻桑田心悲萬化速色藹孤光鮮絕境有落伽誰
嗟隔樓船

嘯月巖亦曰觀音巖在桃花澗之右

總巖亦芥子中宛羅大千

陳迹緬已昧佳游行且湮孰如吾宗隱姓族聊相傳壁立

巖亦曰張公洞

坐欲借危檣

檣山在對岸

曠覽蓬瀛墟庶逢赤松侶

卷懷黃石編逝水悵無極末流難泝沿金烏倏西馳身世風輪遄

海島

一片寒雲色蒼蒼影畫懸石中晴悶日巖下倒窺天服

氣蟾如隱

野同洞內一小石穴有金色老蟾伏其中視人目炯然不動

忘年鼠亦仙

洞多蝙蝠

潮音誰更悟絕壁亂飛泉

夾梳石

人世風檣境總危誰將柱石預支持能扶晉業平江左

王濬樓船彼一時

華嚴寺秋海棠盈階慨然有作

何處瑤華寄遠思無端對汝似將離

芍藥一名將離余每見此花及芍藥

輒惘惘生感

花經零露愁如語淚到空山怨可知睡足太真

宮殿改散來天女歲時遲漫言解脫堪微笑示疾維摩
黯自悲

寂寂迴廊罷午鐘夕陽憐影不禁風玉人遲暮腸先斷
金地淒涼色是空蛩語煙光如約素雁來秋信共啼紅
誰能懺悔情根累彈指曇花一現同

寺中雙桂連蜷可喜並綴二十字

山空月高寒秋靜露蕭爽煮茗掃落英汲澗時孤往

次韻元伯先生枉贈

大羅高詠任羣仙倦客江湖不計年滄海暮雲懷鹿耳
碧天秋月入龍眠兵交閒道紆行迹耆舊重逢感夙緣
知否高山流水外屢聞變徵促商絃

次韻酬董嘯庵同游浮山枉贈之什

牢落風塵詠五君偶然嵇阮幸爲羣縱游山水宜佳日
悵望關河隔暮雲庚子與君相識於京師同時諸友如秋士兄弟淡如琴西藹堂諸君皆不
與此闕下盍簪猶可戀江東戍鼓不堪聞摘星浮山拚
遊醉千觴酒劒氣應干北斗文

栗原先生令弟存之五兄招集石莊同集者馬星
房明府元伯水部小眉通守方植之先生龍門嘯
庵二君也

蕭疏野色納秋窗老輩招邀倒翠缸驃騎聲名聯第五

尊鱸興味總無雙

諸公多從外
宦退養林下謝墩何必非王宅莊原係徐

氏別業

浮渡遙同隔大江分與千竿風竹在浮山多竹而此地尤佳

醉餘時聽玉縱撞

游浮山歸次韻酬元伯先生枉贈

騎鯨采石難邀月飛鞚浮山且摘星湖渚夜橫秋氣白
洞雲天借石華青元龍氣自豪千古仙鳥音誰訊百靈

幸有龐公棲漢上鹿門堪與話松扃

次韻存之五兄見憶舊作

十年重見倍低徊何意飢驅此再來宣室敢期前席問
匡廬難老下仙才儀鴻應運占千古老馬知途厭八埃
拚醉登高開笑口莫悲敵騎久銜枚

疊前韻奉別存之五兄

欲辭珂里重遲徊餘興非同訪戴來半世獨居名士傳
一家能賦大夫才烽煙滄海添新戍秋色黃河斷累埃
感事憂時兼惜別酸懷誰訊橘千枚

元伯先生出示二十九歲小照屬題卽次自題原

韻

宦海何妨夢屢驚前身皓月悟虧盈聲華早自傾先達
是時先生在孫淵如觀察署中著述猶堪貺後生浩劫塵中皆幻影混
同天外自空行伏波眉目曾如畫矍鑠今看劔氣橫

嘯庵焦山望海圖

如何千里長江水竟遣戈船蔽日來豈見三周華不注
誰能一據妙高臺登臨但悵英雄往險要空思戰鬪才
那得扁舟尋瘞鶴與君搔首話蓬萊

夜色蒼蒼萬頃中金輪忽湧曉霞紅更吹一片青天雪
坐嘯千年碧海風高士至今荒故宅舊游懷古賸孤筇

君行再到尋鑪鼎恐與飛來斷鑊同

次韻酬元伯先生贈別

一杯酒罷分歧路回望桐鄉戀德星河闊自衝沙鳥曰
秋高誰放海鷹青勝游永憶壺觴侶多病兼資草木靈
我尙嶽崎公卓犖再來期欵石巖局

謂白雲巖

鏡心圖爲龍門蕭姬題

寶匣鑑長圓妝樓月方曉將心問菱花知汝愁多少
團圓冰玉質皎潔水雲游莫照西湖影懷中故國秋
妾吹弄玉簫郎唱姮娥曲肯將秦鏡塵對染眉峯綠
顏色爲君好高寒祇自明抱來天上月照盡古今情

小眉通守招同諸老輩集玉屏山館卽事成詠

天高歟纖翳曠野澄煙暉秋氣入山靜淡然遂忘機因
罔踐苔磴臨水開荆扉終朝聽幽澗宛轉流前池年往
世何極道在境屢非固應知幾侶衡泌同栖遲家食雖
晚菰猶勝侯鯖肥松楸歲以長霜露日以晞側愧游子
心歧路又有歧積陽轉東照去鳥紛西飛疏峰向亭榭
暝色何依依田舍雞犬喧漁樵各已歸萬動會一息來
者誰能違眷此聚散因冥漠契無爲君看龍眠阿旦夕
深翠微

栗原方伯疊惠三詩賦此奉酬

當年風雪臥西山
霄漢龍門限往攀
何意歲星纔一紀
共傳祖帳早東還
洛陽獨樂身非老
衡嶽無言病且閒
處處小侯當大任
海天烽火又江關
官直隸方伯時因與督臣琦善不合
遂告歸

天都雲氣妙蓮花
四照人閒出曉霞
神鬼不通諸佛界
弟兄能到列仙家
悟來石鼎皆金相
飛渡銀河得玉砂
看徧香爐千丈瀑
至今衣染紫煙華
常偕哲弟游黃山匡廬來詩因遞話
其勝

鎮靜風流謝傅懷
招尋不厭屢銜杯
名山正遇千秋主
倦客難言一代才
剡曲煙霞家蘊韻
宣城冠蓋馬遲徊

卜鄰儻遂南村約耆舊追隨日百回

宿北峽關

辛卯與石甫觀察宿此

牢落南來客迴盤北峽關秋聲風散樹露氣月沈山事
往追離夢愁多付醉顏故人今不忘獨宿久知艱

過舒城是昔與石甫觀察別處

蘆蓬似月蓋征車春雨離亭怨杏花一別十年更秋色
孤城殘照各天涯

思伯子堂詩集卷三十二

建甯張際亮亨甫

九月八日六安道上作

壬寅

楚風剽悍悵羣舒那更重來故蓼墟野闊山川塵莽蕩
秋高天日氣清虛異鄉誰送東籬酒何處能忘下澤車
惆悵元亭難過問侯芭青鬢久蕭疏

楊介坪中丞己丑
座師此州人也

發六安赴汴中口號

汴梁曠千里一水宛可舟借問驅車意問俗適所求重
九後一日天青氣高浮白日照大野風沙何悠悠此封
臯陶裔慨想稷契儔時艱懦夫奮年往志士憂野宿見

黃花晚芳固其尤委靡百草根霜露慘不留乃悲信陵
君自下夷門流

宿余家店子

青天蓋四野落日風沙黃高下浩一氣萬古中茫茫遠
望見土屋向晚低微光驅車困且臥永夜喧聲長磨礪
菽與豆淘洗粃與糠宵勞應曉市餅餌蒸炊香夫婦互
計較聽之心旁皇念我亦有室卒歲無資糧作苦旣乏
力丐貸之何鄉寂寞韓王孫感時還自傷雖懷一飯報
漂母安得常牀頭照側月起視星蒼涼誰爲鴻鵠歎燕
雀紛高翔

霍邱

城下迴流望渺然水鴉飛起破朝煙
蕭蕭風色帆頭轉秋思無端欲滿天

宿潁上縣郭外

蒼然秋色起淮上又西風極遠波橫夕
微涼葉墮空夜燈聞過雁水檻憶鳴蛩
何日歸垂釣村流晚望迢迢

曉發

秋氣來千里蒼涼曉色同天清低界樹
日淡迴含風歲月塵埃下江山戰鬪中

江浙未靖潁亳亦有土寇之擾

鷗臬應盡逐莫

更啄哀鴻

穎州

歐陽老去投清穎賓客重來醉大蘇
煙月西湖應似舊
山河北宋已全蕪
舟檣日暗依城雉
堤柳風多見夜烏
懷古欲尋文字飲
道旁官吏急軍符

守令皆赴鄉捕土寇

太和道中

秋老來淮甸風同接穎城
白蘆分日映紅柿逐村成
野闊天光抱帆低地腹行岸高
嗟水落空有溯洄情

紅葉

紅葉復黃葉南村接北村
江河風物冷天地歲華存
碩果禁寒色清霜傲故根
春花太爛漫搖落久無痕

陳州謁太昊陵恭賦

帝道論初古天心見宓犧三皇風始判一畫聖先知周
孔聞猶後黃農迹不奇蕭森瞻檜栝雲日靜階墀

軒轅臺總妄大禹穴非孤坏土申天地韋編上典謨司
春開歲律觀象失河圖獨有明王祀千齡祭告符

太康道中

野日荒荒曠泥沙緩去輪風多回鶻舊居者半澤亂塞

鴻新米價秋難問棉田利可均地饒棉花天清小搖落自笑

褐衣貧

扶溝江村旅店題

棗密榆疏柳列行樹陰深處見茅牆牛驅古道塵低日
馬盼平原草變霜瑟瑟映秋初夕靄沈沈如海遠天光
劇憐籌帑兼防盜旅客翻教淚滿裳時守令條教皆以
助軍餉捕土寇爲
言

是夜月明不寐感寄石甫廉訪臺灣

扶溝一片月滄海故人情獨戰持天地千秋視死生功
名諸將有廉訪拒逆夷三戰皆捷
皆歸功鎮將及僚屬漳竊幾年更永夜應

吹角相思覲剪鯨

通許道上苦熱

秋深苦熱如長夏客久難歸可笑人長嘯招風依大柳

飽饒入鱸憶香蓴兵氛中外方偷息河患東南亦已頻
飢溺尙愁看比戶炎涼何敢怨征輪

將至汴梁奉寄家詩船廉訪

當年飛輶躡雙峰留佩居然解帶風繡節至今傳海外
玉華長自照雲中飛騰往事空羣馬惆悵橫流徧去鴻
安集正勞賢使澤豈徒名士說江東

戟門寒雨乍瀟瀟燕寢清香思轉遙海暗三江諸將老

高尊五嶽百靈朝欲遊嵩山因話其勝時艱未許懷雲臥社散何

當話酒澆先生述故鄉朋舊拚與少年酣不負坐客錢子萬子

角弟兄縱騎馬滑敢招邀信士也

八座軒裳侍起居萊衣更喜賜金魚白華意篤分羹外
清夜思深負米餘富貴共期生有子乾坤高望悵如余
春暉正藹華堂燕銀燭團花想板輿

射獵飛騰感吹臺倡酬誰是信陽才中原文采孤持節
上客風流數舉杯艮嶽石沈城郭異夷門車斷水煙迴
尊前縱飲兼文字河勢迢迢日夜來

心壺先生招飲大梁書院話舊感時輒復成詠兼
以錄別

俗漸輕先輩吾猶及老成立朝能好直劬學不爭名有
酒經同醉無田硯且耕相逢朱亥市一話尉佗城

炎海藏烽燧當時慮島夷

癸巳游粵始識先生頃云數年在粵見游客觀羅浮而卽

歸者惟余而已然余彼時慮逆夷包藏禍心於登游依粵秀山大庾嶺浴日亭諸詩三致意焉故亟歸也游依

王吉倦家謝葛洪移仙蝶紛皆夢神羊孰再騎滔滔論

歲月擾擾見旌旗

半壁東南土三年父老哀誰驅兵轉戰自許敵飛來下

策新和議中原昨賑災故鄉俱莫問

先生家越余家河閩頻年皆被兵

忠況相催

去歲河決此間今又決桃源北岸

劒欲誅張禹書難訟李綱塞雲天慘澹邊海日蒼涼謗

總成投杼災真切剝牀

吳越浙閩新省許爲逆夷馬頭

共安巢幕燕難

起觸邪羊

身世嗟如此關山去奈何秋聲驚白雁客淚敵黃河痛
飲非埋照哀吟祇損和再攀梁苑柳庚子春與先生別於此間幾抵
雍門歌

補石亭圖詩

百年視學臨閩越落落數公皎秋月姓氏爭傳沈

心齋先生

與朱

竹君陸耳山先生

錢繼起聲光發

乾隆己酉嘉慶辛酉選拔皆稱得人則耳

山雲岩二先生爲學使也

大興當日慨吳興手種長松補斷青豈知

甘載猶陵谷就李人來感故亭一石翹然有一士磊砢

英多或崛起筍河沾漑萬孤寒三百重三偶然耳此石

當時各有名流傳傳舍速欹傾自非一代名家子

公文端公

之誰共千秋好士情憶昨摳衣游此地雲巖對聳仙山

字苔蘚斑斑弟子行都成老輩嶽崎意摩挲重企愛才

風後先祖豆宜從同鷺湖雪水源流遠

公爲心齋先生外孫難弟

難兄亦浙東

竹君先生兄弟亦由紹興寄籍大興

於戲吾師

恭甫先生

常歎息

恨我不侍文正側是時文恪與文端說士差能勤退食
何意封狼出海西忍將吳越付鯨鯢疆臣汲汲籌和議
倦客飄飄厭旅栖偶從大梁醉讀畫想見承平總佳話
螺女新開鮫蜃宮此亭幾日容怡快苦思

聖祖逮

純皇百戰能開絕域疆重譯盡看歸質子諸生閒許誦

先王卽如學士皆殊遇竹君先生曾仕學士公家故事尤堪賦文端

受廟知最深高補袞兒孫識

國恩披圖忽共傷遲暮幽貞介石苦難占烽火園亭隔

冶南試聽芭蕉風又夕寸心不展雨聲酣竹君先生尤愛種蕉耳山

先生其門下士於試吾郡古學時以試院芭蕉爲題有小序述之

贈幼懷

十五經秋再相見二千餘里共思家豫愁半壁淪江海

正遣中年聽鼓笳河決大堤重樅竹雪來廢苑又飛花

直須酒榼藏屠市那得煙簑隱釣查

贈裘歌并序

余少慎交際雖舊遊密戚未嘗受絲粟之惠一時知之者每治餽奉先太孺人余不敢不受也然心固不敢忘邇年困極乃稍稍受友朋贐遺每恨隨手散去不能不或忘今年往山左訪楊方伯因阻兵紆道出桐城邑中諸君子各資其乏至大梁乃以其羨市棉衣二襲意欲留示不忘也心壺先生見之以爲不足禦寒豫爲治裘二襲時余以先太孺人未葬不敢釋服先生諒其苦衷表以青布於頻行時屬諸子出贈焉旣將之以義又申之以禮余又惡敢忘哉拜而受

之并紀以詩

有客有客來大梁窮秋九月天雨霜目營四海何所向
憂懷千歲誰能忘時時出就丈人話身世俯仰餘悲涼
青錢三千褚二襲自顧亦蔽腰軀長何當長者爲歎息
籌畫遠勝綈袍將禦寒稱體禮意重使我再拜涕泗滂
嗚呼老母八十時敝衣白髮神慘傷一裘兒自鄂渚致
經年不御絨藤箱以諸子奉各賜婦垂沒之言慈且詳
兩年朔雪壓破屋苦思在日曾臥僵買山營窆苦無力
敢以溫飽榮哀腸憶在少歲試都下伯氏喜授狐貉良
衝風蒙茸十七載仲夏亦質資行糧頽然七尺對天日

安得義和長駕元冥藏
忍飢受凍奔走諒不死
所愧永負親與兄
邇聞東南海寇虐父老
歲暮寒去鄉吳紱越
綺付火烈少年裙屐
今無裳吾貧甚愧丈人厚
誰能衣被爾輩還樂康
大江之水流湯湯壯士坐甲
環侯王羶廬義帳仿出塞
金繒不許輸重洋行將短後
隨李廣射虎徑出右北平
來歸兔園進一觴不用相如
贊鵲鵲

汴梁呈別況少吳師

飛動平生意氣豪
十年曾未掣金鼇
每因薦士思韓愈
忽漫參軍憶謝翱
滄海潮頭驅鬪艦
汴城水氣凜驚濤
願公且與蘇飢溺
容我江湖楫學操

東南財賦耗烽煙災祲中原亦有年轉餉自關軍國計
催科誰問牧民賢度支此日需劉晏留滯何時起史遷
去去師門回首遠風塵無地賦歸田

次韻酬繡山贈什

不能帳下醉橫戈直斬紅夷海上過豈見市中親執轡
相招朱亥酒邊歌江山游迹兵氛滿來詩引余天下江山牛遊迹句相及
故復河嶽詩聲客恨多願汝登

朝齊衮衮爲誰搔首惜皤皤

十月初一夜鄒鍾泉太守招飲劇譚時事輒賦三十韻蓋余不聞茲言久矣

豪傑憤時艱大臣惜國體何意尊酒懽乃見天下士昔
從林公幕竊歎材奇偉點筆許知言淋漓墨在紙安知
一瞬間公行已萬里公心皦如日公節直如矢使粵觀
天顏後先取中旨經年鎮海邦戰守儼可恃到今判是
非何人構讒毀謀隨忌季梁謝金貶伯紀勢將釀干弊
才誰容郭李繫余抱杞憂時賢厭臧否緘口容座末宜
飲示以指余近日於客座聞言時事輒先罰酒一大茲
白約客如再言罰亦如之蓋誠不忍聞也茲
宵忽慷慨高論聽終始撥雲覩青天昭回絕纖滓痛深
賈生哭狂漫同甫詆古來功罪際反復無定理要存精
白心千秋照青史公嘗活萬人出塞應不死獨恨蛟蜃

腥從此污難洗三吳帶百越志豈藉通市竟欲問彼蒼
孰能恕首揆孟冬寒氣至堅冰戒霜履西望玉門關雪
山互星海征車歷沙磧嚴風割馬耳野宿斷人煙北斗
宛南視吾儕獲燕息擲杯朔颿起脩戈切同仇匪徒感
知己更闌燭亦淚身世半夢裏浩歌抵斫劒行將語吾
友

謂樹齋

少司寇

夜渡黃河

一杯卯酒出夷門待渡無端及夕昏秋野河流沈日氣
夜天海客犯星源魚龍夢冷經霜靜驟馬聲飢近岸喧
緇盡素衣難再濯清寒風露惜乾坤

幼懷昨出示近詩攜至陽武卒讀因題五十六字

近來海內爲長句

杜句

絕山塵埃見汝尊懷古杜陵悲宋

玉倦遊司馬久梁園父書能讀名原好客鬢同凋醉莫
論河水通淮流日夜哀歌誰念舊王孫

幼懷藁中並無五言戲書一絕調之

塘西宋叟流傳集絕少縱橫七字詩恰好與君如對待
一銅絃和一冰絲

至陽武山住七日贈別菊士同年

十年歲月電飛光

辛卯春別於汴梁

重見天涯意激昂豈意周

南留太史正從闕下望仙郎

君連日劇談林岫瞻員外同年

長河水澹

高秋色博浪沙昏古戰場須與沈酣觀物外不妨身世

小滄桑

宋朝花石散中原何處嚴城不廢垣去歲河水圍汴城九閱月宋時所餘

艮嶽石盡供堵築君述之慨然然東貴介勞師諸將盡

長卿歸我故人存徵書喜報明光殿君將以卓薦入都旅夢寒

依戶牖村自古席門藏國士正思宰肉視乾坤

韓門翺籍各飛騰瘦島宜依退院僧某水某邱游釣共

在澗在陸寤歌曾坐思父老田家酒感到兒曹夜讀燈

同是中年當一笑未來人事亦何憑

千古英雄詠浪淘登臨何止悵袁曹官渡圍城皆屬邑治星文下

壓房心冷地勢中分晉鄭高楊柳種成維竹馬君於南門外築
堤種柳夾之菊花開晚餞霜蟄定編流寓參循吏爭奈
今成園矣臨歧百感勞

博浪沙謁留侯祠

祖龍暴四海變豈防匹夫何來俠烈氣萬乘藐若無一
擊雖已誤實啟陳項徒大索竟不獲天幸誰庇諸圯上
授書意儻慮英雄疏輔漢定三秦前事真區區我亦欽
英風讀史嘗怪吁報仇得死力易儲進老儒黃石復赤
松自與要終初此皆迹冥邈物色何以俱始知蕭曹輩
但識韓彭龐謝病更辟穀豈曰憂猜虞功成身可隱智

勇乃有餘曲逆才頗亞所少器不如茫茫博浪沙中原
帶寒蕪孰悲驪山下鬼泣輜輶車人代迅落日祠廟荒
榛墟獨感左牖鄉對俯河聲驅沁水失故道志士非一
途吾聞詠梁甫躬耕歸草廬

衛輝道上望太行山

太行莽莽自西來千疊雲屏翠作堆餘勢幾成天下塞
新晴半落掌中杯殷周黎獻非當日河朔英雄是劫灰
獨有孫登吾不忘百泉長繞嘯餘臺

行濬滑道中作

秋來匹馬渡黃河悵望天涯幾慨歌鬱鬱山川封壤雜

茫茫塵土故人多驚風霜角黎陽成殘照煙鴨衛水波
欲借一帆歸未得齊州東去更如何

開州

土城四十八里何盤盤承平歲久多摧殘黃河故道不
可問但見元若長堤環人煙寥寥暗負郭月出掛樹馬
鋤鞍飲我一杯酒悵然思澶淵古來聖王制夷裔先示
威信後以寬有臣若萊國卒死雷州冤何怪割城增幣
年復年兩宮一去無時還朔方射鵬兒調笑玉津園李
綱岳飛更誅逐從此江淮亦在衣帶閒金人首禍金亦
敝白雁聲來天水寒乃知亂亡倚伏有朕兆智士早決

能無歎君不見宋家大河以北連山東重鎮往往視此
雄具臣苟且貪和議徒使千秋憾眼中雞鳴霜落月未
落征車搖搖指魏博今古淒涼難鑄錯

宿觀城作

平沙曠千里至夜何蕭蕭寒月照中天萬馬暗不驕俯
聞齟齬豆仰見橫斗杓落落數十星空碧相勦搖颼颼
朔風至大樹鳴柯條驚蓬散秋魂四遠不可招古時積
城路至今輪蹄銷猶存斷轍迹分明界長橋吾欲問素
娥人事塵沙飄千齡視去軌百感迎來宵呼酒復坐歎
飢氣干雲霄當馳紫塞獵更射滄海潮

過朝城

何堪駐馬又斜陽十七年禁四度忙

丙戌春與伯兄同過此丙申夏再經

庚子春與姪人阻風竟日

天外雁鴻回伴少風前鸚鵡訴愁長英雄

有夢餘紅粉親故無情半白楊惆悵郭門垂柳在替人行色寫秋霜

夜由莘縣乘月行聊城道中

皓月沈沈夜何許風微過樹鴉鵲語霜華滿地不到天
但見寒光浩終古大星磊落射馬背孤店荒涼市牛脯
昔人秉燭念燕游而我據鞍困羈旅霧棲正羨隱南山
秋望徒勞悵北渚清宵吸露或長生金掌銅仙手交撫

忽思王旦易簣言太平作相心猶苦宋王文正莘人遺命殮以道服以不能諫正真宗於生前也時俗何人解致君塵埃是處難求侶固應曉踏射書臺醉臥魯連一片土蓬萊闔闔吾不希誰道廣寒足歌舞

東昌

光嶽樓高望岱宗別來秀出幾芙蓉昨宵一片城頭月飛度青天日觀峰

北歸淹泊溯孤舟尙有麻衣淚暗流辛苦三年營葬恨不堪斜日語沙鷗庚子出都道運河過此

過荏平是戊戌夏與四農永別處泣然有作寄通

父稼軒

李杜齊名真忝竊杜句恰如魯郡憶前游劇憐寇人三江

警翻羨文從九地修多難莫尋生世樂孤墳還傍戰場

秋壤墻磨滅曾題句陳迹何勞弔馬周

魯侯一別四年餘復恐吳君蕩故居稼軒家桃源黃河北岸本年河決故

甚念之也百計治河長轉漕兩朝注海橫穿渠中郎自惜私

王論四農有論治河漕之言載集中下策誰能讀漢書東望淮陰風浪

惡定應歎逝共欷歔

腰跼驛中題壁

斜日長亭月短亭馬頭慣怨戴秋星無端一白霜花曉

淒斷關山柳意青

三疊誰聞弄笛聲
一推一卻隔簾明
自從溼徧江州淚
聽到琵琶總有情

敵場誰赴激昂偏
忽憶將軍下瀨船
多少江南小兒女
朔風裙帶黑洋天

也似閒情愴板橋
吳淞江接浙江遙
春來燕子無歸處
粉院箏樓葬海潮

難向吳門貰廡居
五噫歌罷又驅車
風吹昨夜平原葉
萬事凋零大不如

花穠有日作

讀

春暉長願南鴻戀
北飛一片歌聲井泉

處太平柳七可無衣

德州贈別同序八兄同年

老至材俱下寒深酒一中關河新落葉江海幾哀鴻客

困虛名誤官如劇郡雄翻憐人問北何似水流東

時江浙督

兵諸公赴廷訊皆道此

天運觀潮汐人心戀醉酣從知百年後應惜大江南皂

帽終何往綈袍漫自慙燈前孤壯志身外付深潭

同學年俱少當時氣總豪鯤鵬殊變化歲月疾波濤歎

逝聞鄰笛吟愁憶錯刀相期皓首在悵望碧雲勞

此地連三輔

皇畿重北門千櫓資漕運兩隊別軍屯故道長河改轍
風右族存正須寬猛濟莫厭送迎繁

南憶螺江遠新愁蜃氣腥樓臺成海市旗鼓失山形已
甚朱崖去難邀白馬靈共殷桑梓慮那免涕洟零
去矣天涯路懷哉歲晚心未能忘魏關何敢薄華簪山
水容吾放風雲望汝深倘垂麟閣日應念鹿門陰

別同序刺史至腰站驛口號再寄

有酒渾宜醉無田亦暫歸少年狂不減滿目事皆非野
曠低平楚天寒澹落暉不愁今夜凍深感故人衣
墨服臨車御雙行引白驄風塵皆素色家國盡悲歌

冢慙韓信稱兵甚趙佗迢迢南去路不似漢臣過

甜苦誰能問

苦水舖南巡時改名甜水高宗

心惟逝水諳如何湖海

氣老此雪霜驂舉燭何當後

苦水舖燭最佳故并用古語

加餐漸向

南

苦水舖為出德州第一尖點

去來才十日

二十一日過此

愧飽故鄉柑

昨

黃柑青攪見貽皆吾鄉物而此間則試新矣

在平欲覓往與四農兄別宿店竟不得悵然再題

舊人不再逢舊店亦難遇流水帶空山孤雲渺何處茫

茫千古心獨對寒燈曙

舊縣

南下桐城已見山豫思故里好煙鬟金鏡晴雪三千丈

思伯子堂詩集

卷三十二

六

百里光寒屋數間

宿汶上夜發口號

流澌瑟瑟帶寒城近郭哇哇吠夜聲
白馬黃驃階下臥玉顏斜上抱銀箏

北風如此驟寒天莫對空尊促四絃
一夜霜華明似月幾家衣冷照裝棉

具臣世已愧由求誰更閒思汶上游
天下江山原不惡故應雲水自千秋

皓露沈沈夜色空亂星高下馬聲中
碧天如洗銀河凍欲跨金烏渡海風

兗州

周家元相有遺封流水聲堪憶鼓鐘十二書元經載史
三千秉禮國爲宗齊邾古接分爭地海岱青來不斷峰
卽眺東山小天下人文冠古配郊雍

鄒縣過孟廟恭賦

擇鄰賢有母戰國仕無君舍我言何慨宗子歎宛聞道
終千聖統書冠百家文故里欽遺廟喬林帶古雲

南沙河

滕南好茅店流水白河通馬色草風際鳥聲溪月中晚
林變霜赤寒菜就燼紅醉與誰談笑異鄉親我僮

臨城驛口號

臨城張叟縛茅居解作寒羹與熱蔬十七年來渾易主
可知吾亦老征車

易京驅馬送兄歸及此肩輿去似飛不忘當時好父子
風前洒後一霑衣

夜發陰平車中偶述

不爲臥雪人

袁安嘗爲
此縣長

乃作乘月客夜氣映寒光上下

浩一白天風動華星雲山帶廣澤茫茫千萬世中有幾
行策勞生日以多智士不遑息歎此七尺軀奔走殉物
役葉零散林影村靜閉煙宅寂無雞犬聲後車逐前跡

風露何淒淒時夜猶未半地平曠如海浩倚天爲岸驟
綱轡如答車輪行不斷宛轉塵沙中人馬共聯貫遠燈
何處來高下光影亂心知此行客亦是飢驅伴氣至萬
物秋飛蓬滿霄漢何須更飯牛始悵何時旦

宿遷

項籍起下相叱咤無狂秦如何垓下歌飲泣羞美人時
運困英雄楚漢暴亦均一體足封侯其生固有神我昨
過墓下慨想長淩湮多疑與善任成敗亦有因謀國恃
人才懷古潛悲辛豈有帝王尊而無親信臣吾欲扶長
河流恨滄海濱海濱何滔滔滔滔弗復陳

清江浦

東清藉刷黃使淮仍避河譬諸用賢士壅蔽亦已多終
焉勢交病漕運將如何今年決漸北天意憐人瘥分流
強更合使者勞經過側聞吾友疏愷切言無頗不逢葉
文忠潞水談則那吁嗟怡賢王往跡猶未磨後先更朱
李謀國意豈訛可憐林節度拜表同蹉跎安知難返勢
如日徒揮戈茲城駐重臣文武肩相摩糜帑歲千萬積
數誰能科金氣夜燭天化爲長濤波君子竊太息小人
安知他吾欲罪河神三歎母乃苛不因太倉粟孰與憂
蠶蠹鼠雀飽陳腐牛馬疲載馱潞濟徧官署營擾紛蜂

窠看君年少子畫鷁驕我我殺人不敢問避之逢怒呵
王事古有程於今焉得訶寒雲破皓月凍浦聞清歌黯
然經世心一引雙叵羅

至清江浦稼軒蘭岑自家來晤時宥函亦宦此小
留三日口號爲別

都門一泣別皓月空至今借問清淮水可抵離愁深深
淺亦何道所恨餘孤琴登牀絃柱絕聽者誰知音圓缺
訊姮娥霜露胡駸駸但能照白髮豈復慙華簪擾擾瘴
海烽蕭蕭斑竹林夢中淚不散酒外共相尋四座接舊
知感激交沈沈視此三日月夕悵然千載襟淮水入河流

河流帶淮陰河淮不斷絕見我相思心

過淮安訪丁儉卿孝廉韋竹坪駕部遂同飲丁宅

時曲阜鄭子斌明經亦自漕帥署來晤慨然雜述

亂後性命真愁中朋友重況復接新知

謂鄭也

狂喜雜沈

痛少年邁庾信文采實天縱江南萬生靈諸將戲一闕

獨餘父老哀付茲發幽譏

儉卿出示長君壽昌後哀江南賦甚哀麗

我行傷

竄迹感激此曹眾詞章愧老馬政事歎衰鳳只應歲寒

徒沒頭狂入甕忽憶丁年秋豪飲潘叟共斯人竟黃土

身世總倥傯笛聲過殘照真有山陽慟荒墳近郭門雞

酒難往供彼哉斗筭子時論許梁棟治河失買讓和我

修魏絳纖兒壞家基學士笑春夢不如棄形骸大荒驟
飛鞚安石絲竹情兒輩覺何用生逢須盡歡霜角嚴城
凍

夜行寶應高郵道中慨然率書

大月出天闊湖氣使之黃湖頭三十六金波勢低昂心
知水窮處積歲人煙荒今年况避兵遲暮多棄鄉鴻雁
自北來哀鳴夜翱翔借問北嚮客可知南人傷人事亦
天運但願君毋忘中宵望眾星燦爛紛爭光霄漢不可
涉豈謂川無梁孤行易爲感惻愴徒霑裳

揚州樂

揚州樂樂可吁白金五十萬保我城無虞東家移泗州
西家移淮湖不如安穩守故居黃河尺水活汝枯魚今
年得水泳以濡明年水涸將何如

爲魯彬甫廣文題梅花行看子

時年七十訪其甥
陳登之司馬於儀

真亦將
行矣

誰將明月證前身獨向空山抱古春寒淺寒深何處問
江湖遲暮一歸人

陳忠愍公死事詩

公殉上海之難經十七日嘉定令練君廷璜求
得其尸顏色如生繪圖徵詩十二月余過蘇州

練時爲吳縣令因蘇鼂石制軍屬余爲詩練本
余乙酉同年其好義可嘉尙也

陳公起海濱昔從李壯烈百戰矢孤忠臨難同果決平
生萬人敵矯捷縱天骨舉旗鹿耳風舞槊鯢身月身輕
一飛鳥長濤出復沒踏浪晝行空揚帆夜搗穴英雄際
事會功名肇走卒自從

睿皇初漸躋偏將列

至尊眷東南再簡專闡鉞鷺門本故鄉坐鎮歲屢閱風
流偶裘帶儒雅卽超絕滔滔三江水吳淞匯蕩涵六國
馬頭趨勢隱鼂鼂窟

廟謨重元戎移帳徵詣闕觀

天龍顏喜習流虎士疾妖氛暗三載鬼哭無百越躬親
勵老兵寒暑共飢渴臥病甲猶擐主戰氣不奪作書報
親舊誓掃此賊滅嗚呼大帥誰縱寇使馳突既驚乍浦
焚猶掩甯波失一朝瞰寶山公驅鬪艦發慷慨幾千酋
協恭虧大節遂令獨捐軀瞋目死猶活吾

皇每垂涕醜夷解嗚咽如何偷息徒賄和取容悅

國家二百年遠邁漢唐轍冰山瀚海西置戍重險設跳
梁小醜狂前後肅征伐

列聖固神武謀臣亦宏豁今年朔漠區貢馬仍萬匹可

憐旦夕閒災忘剝牀切玉帛何足云金甌幸毋缺近聞
更駭異疆吏坐嗔喝請思南宋朝豈有茲凌折鄙夫昧
國體飛章竟專達轉思將軍賢重創自飲血電雷凜餘
勇神鬼護遺骨千秋父老哀視此十七日同時虎門關
森然並挺拔歸魂動旌旆怒波偃溟渤公生峙長城公
死震窮髮未忘報

主心潮頭湧飛雪廟食配忠毅兩地崇嶠嶼我傷竄同
谷恐賦無家別憂來望材官封狼奮鞭撻守位在得人
止亂必用殺庶幾慰國殤宗社奠恆碣圖成痛羣俊賊
退感元結浩歌悵宇宙智勇日寥闊

杭州遇楊飛泉司馬卽題其行看子

一別宣南十七年相逢三度繫歸船
不圖關塞銷兵後又到湖山置戍前
歲月何如行洱海畫圖誰許貌凌煙
科頭欲向桐陰嘯老我惟應此意憐

自錢塘江舟行二日過七里瀨作

江山氣色滿旦晚非一情空舟坐超忽
時見煙雨成歷歷村郭曠邈邈雲沙清
揮觴對好風水鳥羣飛鳴伊昔安爲旅
於茲苦厭兵萬族入歲暮孤根懷春榮
緬想汐社人哀歌亦何營吾志在垂釣
浩然濯塵纓

蘭溪

百越皆重山清瀨閒迴溪千家煙雨中鬱鬱雲勢齊輟
棹及夜昏挂帆待朝暉歲寒百慮集幽興亦在茲東風
何爲至眾草綠已萋谷鳥宛向春鳴聲相參差慨然念
萬化時至氣以滋安得漢陰翁相與真忘機

十二月十五夜衢州舟中憶先月此夕在清江稼
田蘭岑桐舫菊農宥函達夫相送登舟忽忽一月
悵然口號

杯度庵前一盃酒醉餘重見月圓時但教缺後光仍滿
不怨人閒有別離

玉山旅夜

山月照江樓驚起光在水千憂積歲晏勞生復何已任
運豈不達側愧慈孝旨百年痛負親萬事難付子栖栖
中立骨安得飲恨死何況感親知圖報亦人理鬪爭日
艱屯功名或讒毀浩然撫長劒忽復淚如洗星稀黯欲
曙雲淡薄如紙欲從懷玉仙超世脫塵滓

玉山道上見梅花

朝晴午復陰飛霰滿煙林雲積異鄉色月空殘夜心忽
逢疏蘂破倍感苦寒侵正爾溪風急垂垂噪凍禽

砍石驛阻雪

冉冉歲行盡陰陰雲不飛荒村一夜雪遠道幾人歸風

芭梅花滿炊煙木葉稀
羈孤君莫笑留眼待朝暉

宿金溪縣郭

旅館如家熟塵埃混客忙
荒城傳遠柝殘月入空牀
不寐憂軍國相憐畏海鄉
驛書仍告警寒夜欲沾裳

夢芭川

一歲夢君百四方
憐我孤何當名李杜
不忘際唐虞世
治身甘賤軍興事
每誣悲涼餘涕淚
寤寐各踟躕

雜感

一從狡寇海西來
朝議紛紛費度猜
專閫可憐崇節鉞
借籌何事聽輿臺
難同晉楚兵言弭
預恐金元禍踵開

我似樵夫觀弈罷正愁柯爛苦低徊

樞府宗臣領十年邇聞一語借籌邊誰言民力災傷後
自戴

皇仁敵愾先納粟拜官徵舊史毀家紆難屬名賢

聖明有詔如天日元老他時或惘然

闕下彈冠更嶺南新開條例數從三貴官莫歎羊頭爛
強敵方愁虎視耽忍遣銅山填海水祇聞鐵騎戲江潭
大農籌帑無遺策將帥何知已不堪

邊城建節古諸侯拜表爭爲國帑籌錫馬自緣深寵晉
求金何肯遽從周鬬爭尙未羣夷息興作頻仍計吏稱